

T 7980/4443 (8)

HARVARD - YENCHING INSTITUTE

AT HARVARD UNIVERSITY

OCT 10 1952

十

卷之十三

驚悸怔忡

怒

赤腫

不能近視

目淚

怒肉攀睛

眵目直視

產驚悸

善太息

外障

不能遠視

風沿爛眼

絲垢入目

日上視

心動

目疾

內障

省目

倒睫拳毛

視岐亂見

醫方類聚卷之十二

治心驚悸

養心湯

大寒者動才... 動而不... 心驚悸者... 養心湯... 治心驚悸... 養心湯... 治心驚悸...

其症... 治心驚悸... 養心湯... 治心驚悸...

其症... 治心驚悸... 養心湯... 治心驚悸...

其症... 治心驚悸... 養心湯... 治心驚悸...

其症... 治心驚悸... 養心湯... 治心驚悸...

其症... 治心驚悸... 養心湯... 治心驚悸...

其症... 治心驚悸... 養心湯... 治心驚悸...

其症... 治心驚悸... 養心湯... 治心驚悸...

其症... 治心驚悸... 養心湯... 治心驚悸...

醫學編目卷之十三

肝膽部

驚悸怔忡

產驚悸

心懾

哈爾濱大學哈爾濱  
圖書館珍藏印

大驚屬  
血虛有  
痰

驚者心卒動而不寧也悸者心跳動而怕驚也怔忡亦心動而不寧也

丹怔忡大槩屬血虛與痰 有慮便動者屬虛 時作時

止者痰因火動 瘦人多是血虛 肥人多是類飲

真覺心跳者是血少宜四物安神之類

治勞役心跳大虛症

硃砂錢一

歸身

白芍

側柏

川芎各五錢

陳皮

甘草

黃連各三錢

右用猪心血為丸

六脈俱大按之空虛必面赤善驚上熱乃手少陰心之脈也此氣盛多而亡血以甘寒鎮墜之劑瀉火與氣以墜

氣浮以甘辛溫微苦峻補其血熟地黃生地黃柴胡升麻  
白芍藥牡丹皮川芎黃芪之類以補之以防血溢上竭甘

鎮墜之劑謂丹砂之類

杜林學士本南人歷內地為官有一子甚端嚴而聰敏父  
母愛之居常喜食海蛤飲食之頃未嘗不設至十八年忽  
面色頓青形體瘦削夜多驚悸皆謂勞瘵之疾百療不瘳  
遂召杜脈之杜曰非病何以知之蓋雖病削面青精神不  
減問學院子秀才好食甚物曰多食南海中味杜曰但多  
服生津夜藥病當自愈如是經兩月面色漸有紅潤意夜  
亦無驚悸林學士延杜而問曰醫師之驗久聞世名願聞  
此病所以杜曰王冰素問曰鹽發渴乃勝血之証海味皆  
鹹物既多食海味使心血漸衰則夜驚悸今既去鹹用生  
津液之藥人且少壯血液易生面色漸有紅潤此疾去乃  
安矣眾醫以為勞瘵非其治也

水停心下必悸

仲食少飲多水停心下甚者則悸微者短氣飲水多必心下悸

無五飲停畜閉於中脘最使人驚悸屬飲家

時作時止者痰因火動

溫膽湯治心膽虛怯觸事易驚或夢寐不祥遂致心驚膽  
懾氣鬱生涎涎與氣搏變生諸症或短氣悸乏或復自汗

膽虛不能致脾則脾之水飲作矣

半夏湯洗 竹茹 枳實炒各二兩 橘皮二兩去白

甘草炙一兩 白茯苓五錢

右為劉散每服四大錢水一盞半薑五片棗一枚煎七  
分去查食前服

仲心下悸者半夏麻黃丸主之

半夏 麻黃等分

右二味為末煉蜜和丸如小豆大飲服三九日二服

茯苓甘草湯 方見傷寒悸

驚屬肝心脾

東方青色入通於肝其病發驚駭 金匱真言論

脾移熱於肝則為驚血 病傳變

一陽一陰發病主驚駭背痛善噫善欠者名曰風厥 全文見診

三陽一陰太陽脈勝一陰不得止內亂五臟外為驚駭 陰陽

臥而驚者肝

本珍珠丸獨活丸並治臥驚悸多魘 二方並見不得臥○經云臥則血歸於肝

今血不靜臥不歸肝故驚悸於臥也

東羌活勝濕湯治臥而多驚悸多魘洩者邪在少陽厥陰

也加柴胡五分如淋加澤瀉五分此下焦風寒二經合病

也經曰腎肝之病同一治為俱在下焦非風藥行經不可

也羌活勝濕湯方見腰痛

諸病疼酸驚駭皆屬於火 全文見診

丹病自驚而得者則神出其舍舍空得液則成痰也血氣

入舍則痰拒其神不得歸焉 控涎丹加辰砂遠志

無驚悸因事有所大驚而成者名曰心驚膽寒病在心膽

經其脈大動搖無頭尾者也 東垣硃砂安神丸方見煩

垣云外物驚宜鎮平以黃連安神丸是也

無鎮心丹治驚悸

辰砂 用黃松節酒浸 龍齒 用遠志苗醋黃

右只取辰砂龍齒各等分為末猪心血為丸如芡實大

每服一丸以麥門冬葉葉荳燈心白蜜水煎荳熟為度

臨臥咽下小兒磨化半丸量歲數與之

世蜜陀僧散治驚氣入心絡不能語者昔有為狼及大蛇

所驚皆以此而安用蜜陀僧研極細末茶調一錢七服

即愈

因驚成悸者病在心膽

無寒水石散治因驚心氣不行鬱而生涎結為飲遂為大疾忪悸墮懷不自勝持少遇驚則發尤宜服之

寒水石

煨

滑石

水飛各一錢

生甘草

一錢

右為末每服二錢熱則新汲水下怯寒則薑棗湯下加龍膽少許尤佳

予和衛德新之妻旅宿樓上夜值盜劫人燒舍驚墜床下自後每聞有響則驚倒不知人家人輩躡足而行莫敢冒觸有聲諸醫作心病治之人參珍珠及定志丸皆無效戴人見而斷之曰驚者為陽從外入也恐者為陰從內出也驚者為自不知也恐者為自知也足少陽膽經屬肝木膽者敢也驚怕則膽傷矣乃命侍女執其兩手按於高椅上坐當面前下置一小几戴人曰娘子當視此一木槌擊之其婦人大驚戴曰我以木擊几何必驚乎伺少停擊之驚

少緩又斯須連擊三五次又以杖擊門又暗遣人擊背後之窗徐徐驚定而歎曰是何治法戴人曰內經云驚者平之平者常也常見必無驚是夜使人擊其門窗自昏暮達曙熟臥不聞夫驚者神上越也從下擊几使之下視所以收神也一二日雖聞雷亦不驚德新素不喜戴人至是終身敬服

仲久甘草湯治脈結代而悸

方見傷寒

丹驚悸定志丸加琥珀鬱金

無定志丸治心氣不足驚悸恐怯

黃芩

炒

遠志

去心

茯苓

各二兩

人參

一兩

辰砂

為衣

右為末蜜丸如桐子大每服五十九丸米湯下一方去扶神名開心散服二錢七不時

本安神鎮心治驚悸消風痰辰砂遠志丸

石菖蒲 遠志 人參 茯神

川芎 山藥 鐵粉 麥門冬

天麻 半夏 南星 白茯苓生各一兩

細辛 辰砂各半兩

右為細末生薑五兩取汁入水煮糊丸如菖菴大另以  
硃砂為衣每服二十五丸夜臥服生薑湯下小兒減服

茯苓丸

石菖蒲 辰砂 人參 遠志

茯苓 真鐵粉 茯神 南星牛膽

半夏麩等分

右為細末生薑四兩取汁和水煮糊丸如桐子大列用  
細末為衣乾之每服十粒加至二十粒夜臥服生薑湯下

一法加沉香煖下焦虛冷

右為細末煉蜜杵于下丸如桐子大每服五十九空心  
好酒下年老欲補加元衣全個入藥混元衣者是胎衣頭生兒者佳

川酒浸晒乾  
細剉為末

紫石英丸治婦人無子

紫石英研水飛三兩 天門冬酒浸去心焙乾三兩

當歸焙切 川芎 紫葳 卷栢

熟地 禹餘糧醋焙七次 牡蒙 石斛去根

辛夷各二兩 人參 肉桂 牡丹皮

桑寄生 細辛根 續斷 川烏炮

食茱萸 厚朴姜製 乾姜炮 牛膝酒浸各兩

栢子仁輕炒另研 山茱 烏賊魚骨焙次各一兩半

甘草炙

右二十六味為極細末煉蜜丸桐子大每服二十九酒米飲任下空心食前日二

**子**戴人過譙都營中飲會有一卒說出妻事戴人問其故荅曰吾婦為室女時心下有冷積如覆盆按之如水聲以熱手熨之如水娶來已十五年矣恐斷吾孕是以去之戴人曰公勿黜也如用吾藥病可除孕可得卒從之戴人診其寸脈沉而遲尺脈洪大有力非無子之候也可不逾年而孕其良人嘆曰試之先以三聖散吐涎一斗心下平軟次服白朮調中湯五苓散後以四物湯和之不再月氣血合度數月而娠一子戴人常曰用吾此法無不子之婦此言不誣 一婦人年三十四歲夢與鬼神交驚怕異常及見神堂陰司舟楫橋梁如此一十五年竟無姙娠巫祈覲禱無所不至鑽肌炙肉孔穴萬千黃瘦發熱引飲中滿

白朮兩二

半夏兩一

茯苓兩四

橘紅兩四

川芎

香附各一兩

神麴炒半兩

甘草錢二

粥丸每服八十九丸如熱多者加黃連枳實各一兩服前

藥訖却服後蝨斯丸

厚朴

杜仲

桂心

秦艽各二錢

附子

茯苓各六錢

白微

半夏

乾姜

牛膝

沙參各二錢

人參錢四

細辛兩半

右為末煉蜜丸小豆大每服五丸空心酒下加至十九不妨覺有娠三月後不可更服忌食牛馬肉則難產當

出月

按此方即秦桂丸也丹溪忌服之者蓋忌於瘦人無血者若肥人濕多者又兼前調理藥而所服丸數十減其



九只服五分無妨也上三方得之於丹溪之子朱慈誠者累試有效

**海**大五補丸同上三方丸

天門冬

麥門冬

菖蒲

茯苓

人參

益智

枸杞

地骨皮

遠志

熟地各等分

右為細末煉蜜丸如桐子大空心酒下三十九服本方數服後以七宣丸泄之

增損三才丸

天門冬

酒浸去心熟地酒蒸

人參去

遠志去

五味子

茯苓酒浸去心乾

鹿角去

一法加白馬

莖酥炙

一法加附子補相火不足

一法加麥門冬令人有力 一法加續斷以續筋骨

人參分

羚羊角屑

麥門冬

茯神各分

茯苓

白蘇皮

甘旱略四

石膏分

淡竹瀝兩大

右咬咀用水二升煎至七合下竹瀝分三服

心澹澹動

厥陰病心澹澹大動

澹澹因痰動也心澹澹動者謂不怕驚而心自動也驚恐亦曰心中澹澹恐謂怕驚而心亦動也

其澹澹自動之病屬二經一屬心主手厥陰病經云心主

手厥陰之脈是動則病心中澹澹大動面赤日黃喜笑不

休視盛虛寒熱陷下取之是刺灸之法也又曰太陽司天

寒淫所勝病心澹澹大動胸脇胃腕不安治以甘熱是運

氣之寒傷心主也○其二屬少陽病經云一陽發病少氣

善欬善噫其傳為心掣是也掣尺制反曳也

少陽病心掣

怒

怒在陰陽為陰閉遏其陽而陽不得伸也經云陰出之陽則怒又云血并於上氣并於下心煩寃善怒東垣云多怒者風熱陷下於地是也○怒在臟腑所屬經在臟為肝在志為怒又云肝藏血血有餘則怒又云膽為怒是也

丹治怒方

香附末兩 甘草末兩

右和勻白湯調服五錢

怒皆屬木太過

運氣怒皆屬木太過經云木太過曰發生發生之紀其病怒又云歲木太過風氣流行甚則善怒又云歲土不及風反大行民病善怒是也○怒在禁忌多生厥逆經云陽氣者大怒則形氣絕而血菀於上使人薄厥又云暴怒傷陽又云怒則氣逆甚則嘔血及衄泄是也

善太息

太息皆屬傷胎

運氣善太息皆屬燥邪傷膽經云陽明在泉燥淫所勝疾善太息又云陽明之勝太息嘔苦又云少陰司天地乃燥

針灸

內經灸刺善太息皆取心膽二經經云黃帝曰人之太息者何氣使然岐伯曰思憂則心系急心系急則氣道約約則不利故太息以出之補手少陰心主足少陽留之也又曰膽病者善太息口苦嘔宿汁視足少陽脈之陷下者灸之又云膽足少陽之脈是動則病口苦善太息視盛虛實寒熱陷下取之是也

甲色蒼蒼然太息如將死狀振寒洩白便難中封主之

脾虛令人病寒不樂好太息商丘主之 凡好太息不嗜

食多寒熱汗出病至則善嘔嘔已乃衰即取公孫及并膈

實則腸中切痛厥頭面腫起煩心狂飲多不嗜臥虛則腹脹腸中氣大滿熱痛不嗜食霍亂公孫主之

目疾門

目赤腫痛

外障

內障

不能遠視

不能近視

雀目日落不見物

目淚不止

風沾爛眼

倒睫拳毛

努肉

攀睛

飛絲塵垢入目

視岐亂見

目開不閉

眇目直視

日上視

目具明  
五臟

經云瞳子黑眼法於陰白眼赤脈法於陽故陰陽合轉而

精明此則眼具陰陽也

全文見視岐亂見

又曰五臟六腑之精氣

皆上注於目而為之精精之窠為眼骨之精為瞳子筋之

精為黑眼血之精為絡其窠氣之精為白眼肌肉之精為

約束裹擷筋骨氣血之精而與脈并為系上屬於腦後出

於項中此則眼具五臟六腑也

全文見視岐亂見

後世以內外皆

屬心上下兩臉屬脾白眼屬肺黑眼屬肝瞳子屬腎謂之

五輪蓋本諸此也又有八廓之說無義無據今不得刪入

焉

臟腑主目有

肝主目

一曰肝經云東方青色入通於肝開竅於目藏精於肝又

云人臥血歸於肝肝受血而能視又云肝氣通於目肝和

則目能辨五色也

二曰心經云心合脈諸脈者皆屬於目是也至東垣又推

之而及於脾如下文所云

東垣五臟生成篇云諸脈者皆屬於目目得血而能視針

經九卷大惑論云心事煩冗飲食失節勞役過度故脾胃

虛弱心火太盛則百脈沸騰血脈逆行邪害孔竅天明則

日月不明也夫五臟六腑之精氣皆稟受於脾土而上貫

心合脈  
諸脈皆  
屬於目  
於脾始

於目脾者諸陰之首也目者血氣之宗也故脾虛則五臟之精氣皆失所司不能歸明於目矣心者君火也主人之神宜靜而安相火代行其令相火者胞絡也主百脈皆榮於目既勞役運動勢乃妄行及因邪氣所并而損其血脈故諸病生焉凡醫者不理脾胃及養血安神治標不治本不明正理也

陽主散陽虛則眼楞急而為倒捷拳毛 陰主斂陰虛不斂則瞳子散大而為目昏眼花

**靈**目眥外決于面者為銳眥在內近鼻者為內眥上為外眥下為內眥癩狂 診脈痛赤脈從上下者太陰病從下上者陽明病從外走內者少陽病太陽病宜溫之散之陽明病宜下之寒之少陽病宜和之也論疾診尺篇

保論云眼之為病在腑則為表當除風散熱在臟則為裏當養血安神暴發者為表而易療久病者為裏而難治除風散熱者瀉青丸主之養血安神者定志丸主之婦人熱地黃丸主之或有肥體氣盛風熱上行目昏澁槐子散主之此由胸中濁氣上行也重則為痰厥亦能損日常使胃中氣清自無此病也又有因日疾服涼藥多則損氣者久之眼漸昏弱乍明乍暗不能視物此則失血之驗也熟乾地黃丸消氣定志丸相須而養之或有視物不明見黑花者此之謂腎氣弱也宜補腎水駐景丸是也或有暴失明者謂眼居諸陽交之會也而陰反閉之此風邪內滿當有不測之病也

目赤腫痛

目痛分陰陽 目疼有二一謂目眥白眼痛一謂目珠黑眼疼蓋目眥白眼疼屬陽故晝則疼甚點苦寒藥則効經所謂白眼赤脈

法於陽故也目珠黑眼疼屬陰故夜則疼甚點苦寒則反劇經所謂瞳子黑眼法於陰故也

陰症治

簡補肝散治肝虛目睛疼冷淚不止筋脈痛及羞明怕日夏枯草五錢香附子一兩共為末每服一錢臘茶調下無時候服

右夏枯草治日珠疼至夜則疼甚者神効或用苦寒眼藥點上反疼甚者亦神効蓋目珠者連日本日本又名目系屬厥陰之經也夜甚及用苦寒點之反甚者夜與寒亦陰故也丹溪云夏枯草有補養厥陰血脈之功其草三四月開花遇夏至陰生則枯蓋稟純陽之氣也故治厥陰目疼如神者以陽治陰也予周師目珠疼及連眉稜骨痛并頭半邊腫痛遇夜則作用黃連膏子點上則反大疼諸藥不効灸厥陰少陽則疼隨止半月又作

又灸又止者月餘遂以夏枯草二兩香附二兩甘草四錢同為細末每服一錢五分用茶清調服下咽則疼減大半至四五日良愈又一男子年六十歲亦目珠連眉稜骨疼夜甚用苦寒劑點亦甚前証皆同但有白翳二點在黑目及外眥為翳藥皆不効亦以此藥間東垣選奇湯又加四物黃連煎服并灸厥陰少陽而安

本治睛疼難忍者

川歸

防風

細辛

薄荷

各等分

右為末每服二錢麥門冬熟水調下食後日午夜臥各一服

保止痛散治兩額角痛目睛痛時見黑花及目赤腫痛脈弦作內障也得之於飢飽勞役

柴胡一兩

甘草錢七

瓜蒌根二兩

當歸

黃芩四刀一半 酒一半炒

生地黄兩

右為麤末每三錢水一盞半薑三片棗一枚臨臥熱服  
小便不利加茯苓澤瀉各五錢

治太陽經衛虛血實目腫赤臉重頭中濕淫膚腎睛痛肝  
風盛眼黑腎虛

桔梗丸

桔梗斤

牽牛頭末 二兩

右細末每服四五十九至一百九食前溫水下日二次

陰病似 陽点法

行暴赤眼無瘡者以古銅錢刮淨薑上取汁於錢唇點目  
熱淚出隨點隨愈但小兒甚懼不須疑已試良驗有瘡者 不可用

又以此 治洋驗

張仲文治眼暴赤腫痛不得開又淚出削附子赤皮末如

蠶屎着睛中以瘥為度

本治丈夫女人室女小兒諸般赤眼針頭疔

川烏尖七枚 懷乾 白僵蠶七枚 去 砂十

右為末用猪胆取汁調藥不令稀用成軟塊攤在碗內

荆芥艾各一兩皂角小者一莖燒將藥碗覆薰之常將

藥膏撓勻轉又攤又熏以皂角荆芥艾為度再搜成

塊用油紙裹入地中出火毒冬天兩日夜夏天一夜春

秋一日夜取出丸如針頭大每一丸點眼中妙

丹治日中百病乳汁煎黃連點之

行人乳汁治目中功多何也人心主血肝藏血肝受血則

能視蓋水入於經其血乃成又日上則為乳汁下則為月

水故知乳汁即血也用以點目豈不相宜者哉 治眼痛

小黃栢皮一名小栢子以麤布揩去麤皮刮取柔細黃屑

以手急捏成團如鷄子大以苧絲縛之次以蘿蔔葉包之

陽症 法

又用芋絲縛之置灰火內煨去外二三層有灰者急用紗絞出黃汁收之點眼甚妙一方用乳汁拌小黃栢皮同煨點之又勝

世傳信方眼風泪痒或生翳或赤眚一切皆主之宣州黃連搗為細末麩核仁去皮碾為膏綠此性稍濕末不得故耳與黃連等分相合取不蛀乾枣三枚割頭少許留之去核以二物填於中却取割下末頭依前合定以少綿裹之惟薄綿為佳以水半碗於銀器中文武火煎取一鷄子殼以綿纏待冷點眼萬七不失前後試驗數十人皆應

保點眼藥除昏退翳截赤定痛

當歸錢二

黃連錢二

防一錢五分

細辛五分

甘草錢一

右剉如麻荳大水一大碗文武火煎滴水中不散為度

入熟蜜少許點眼

丹暴赤眼痛枸杞汁點妙集千

目卒痛荆芥燒汁點之

保救苦丸治眼暴赤發噴痛甚者

黃連兩一

川歸錢二

甘草錢一

右剉細水半碗浸一宿以火熬約至一半綿絞去查令淨再熬作稠膏攤在碗上倒合以物蓋之用熟艾一大塊如彈子大底下燃之薰膏子令艾盡為度下下項藥  
硃砂錢一 腦子分五 乳香 沒藥研各等分  
右研入膏和丸如米大每用二丸點眼兩角仰面臥藥化方起

世點藥方黃連五錢去鬚槌碎用水三碗浸夏月三日冬五日以古文錢百廿箇同煎取汁半碗又將查再煎凡三次取綿纏過以磁器熬成膏子如沙糖樣却將蘆甘石黃

運牙茶小便煨過者入麝香少許同研細入前膏子再煨  
 可丸為度如桐子大化點 一方不用蘆茸石只將膏子  
 入麝少許點尤妙 一方陰陽寒熱通用以生薑自然汁  
 重綿纏過澄薑泥晒乾却用黃連膏入蜜少許以薑泥為  
 丸餅如錢厚或水化或乾點神効

惡寒脈  
浮者為  
有表

薑汁點法見前黑睛痛條治目痛惡寒脈浮者効 治目  
 皆白眼痛諸法並見後表裏寒熱虛實等條

東垣選奇湯防風飲子治眉骨痛不可忍方見眉  
痛明

芎辛湯治兩目晝夜隱濇難開羞明畏日目赤視物昏暗

芎藭 蔓荆子各五分 細辛二分 防風一錢五分

甘草 白芷各一分

右作一服水一大盞八分煎至一盞去查稍熱臥服之  
 極佳

明目細辛湯治兩目發赤微痛羞明畏日怯風寒怕火  
 睫成細眵糊多隱濇難開眉攢痛悶鼻涕唾極多如稠膿  
 大便微硬喜食冷物

麻黃 羌活各三錢 藁本一錢 川芎五分

細辛少許 白茯苓一錢 蔓荆子六分 荆芥蕙一錢二分

當歸稍一錢 生地黃六分 川椒八粒 桃仁二十枝

紅花少許 防風二錢

右並剉如麻豆大分作四服每服水二大盞煎至一盞  
 去查稍熱服食後忌酒濕麪及風寒處行走

木治肝腎風毒氣上衝眼痛菊花散

甘菊花 牛蒡子炒各八兩 防風三兩 白蒺藜去刺一兩

甘草一兩五錢

右為細末每服二錢熱水調下食後臨臥



脈實有力者為有裏

凡目赤痛或大腑秘或脈實有力者為有裏證宜微利之實熱條瀉青丸洗肝散之類是也

海目赤暴作雲翳疼痛不可忍宜四物龍膽湯

四物錢各五羌活 防風錢各三草龍膽

防已錢各二

右水煎服

丹丈夫患小腫痛

連翹 黃芩 歸鬚 陳皮

蒼木錢各二木通錢一甘草錢一

分三貼薄荷葉五片水二盞煎一半入些好酒熱飲之

保槐子散治體肥氣盛風熱上行目昏瀼

槐子 黃芩 木賊 蒼木各等分

右細末食後茶送下

川芎散治風熱自眩熱腫及胸中不利

川芎 槐子各一兩

右為末氣滯下利薑湯調目疾茶清調熱上攻咬咀一

兩煎服

潔治眼赤暴發腫散熱飲子

防風 羌活 黃芩 黃連各一兩

右切每半兩水二盞煎食後溫服如大腑秘加大黃一

兩如痛甚加川歸地黃煩躁不得臥加梔子一兩

治目暴發赤腫陰風散熱瀉青丸方見治法門

局洗肝散風毒上攻暴作赤目腫痛難開隱瀼眵淚

薄荷梗 當歸 羌活 防風各去

梔子仁 甘草炙 大黃 川芎各二兩

右為末每服二錢食後熱水調下

本專治目暴赤澀腫疼痛

木賊半兩 去節

細辛半兩 爭洗

草烏一分 去尖

龍膽草半兩 去根

右為剉散每服三大錢水一大盞黑豈半合煎至一二

沸入沙糖一塊如大彈子大煎至八分去查食後溫服

一應諸眼患並用忌煎煑油麩酢醬熱物及不得嗔怒

房色等事則便易獲痊矣

虛熱宜 升降水

治腎經虛冷水候不升不能上滋肝木致令眼目昏暗或

痛或痒須用此藥方調治之

川芎

荆芥

天麻

草薺

川烏炮

烏藥

羌活

黑豆二炮

川歸

金釵石斛各等分

右為末煉蜜丸如葶大硃砂為衣每服一九薄荷湯嚼

下

目赤腫足寒者必用時時溫洗其足并詳赤脈處屬何

灸三里臨泣崑崙等人立愈○海藏四物龍膽湯方見 熱條

保地黃湯治眼小昏澀因發而久不能痊

防風

當歸

黃芩

黃連

人參

茯神

羌活

地黃各等分

右麤末每服五七錢水一盞半煎至一盞溫服

丹赤眼痒痛煎枸杞汁服救急方

垣助陽和血補氣湯治眼發上熱壅白睛紅眵多淚無疼

痛而隱澀難開此服寒藥太過而真氣不能通九竅也故

眼昏花不明宜助陽和血補氣

防風七

黃芪一錢

甘草炙五

蔓荊子

歸身洗五

白芷二

升麻七

柴胡

右咬咀作一服水一盞半煎至一盞去查熱服臨臥避

風及忌食冷物

碧天丸治目疾累服寒涼不愈兩目蒸熱有如火薰赤而不痛紅系血脈滿目貫睛翳悶昏暗羞明畏日或上下臉赤爛或不伏風土而內外銳皆皆洗破之

瓦粉炒

銅綠七分

枯白礬

二分是一錢  
中五分之一

右研銅綠白礬今細旋旋入瓦粉銅綠勻熱水和之共為丸每用一丸熱湯半盞浸一二箇時辰洗至覺微瀝為度少合眼半時辰許臨臥更洗了瞑目就睡尤神妙一丸可洗十日如再用重湯內頓令熱此藥治其標為裏熱治已去矣裏實者不宜用此當瀉其實熱諸方見前大辭秘堅條

實熱宜  
瀉

子和清州王正之子年十五歲目赤多淚衆工無效載人見之曰此兒病在目中景當得之母腹中被驚其父曰

時在臨清被圍戴人令服瓜蒂散加鬱金上湧下泄各一澌沫勢升人皆笑之其母曰兒腹中無病何以吐瀉如此至明日其目輝然瘳明 一小兒名得孫眼發赤其母置銅綠欲洗兒目前成家人誤與兒飲之須臾大吐吐訖立開 安慶趙君玉目暴赤腫點洗不退偶思戴人法曰凡病在上者皆宜吐乃以茶調散涌之一涌赤腫消散君王歎曰法之妙其迅如此乃知法不遠人人自遠耳

血壅者  
決之

孫仁廟朝中衛才人忽患眼疼衆醫皆不能療或投寒藥或投補藥加之臍臑不安上乃問孫孫曰臣非眼科乞不全責於臣降旨有功無過孫乃診之肝脈弦滑非熱壅也乃才人年壯血盛肝血併不通遂問及宮人月經已二月不通衆醫曰有孕孫曰此正為疾耳遂下通血藥其經既通不日眼疾亦愈上賜錢三十萬才人贈金一囊宮人謠

曰神醫不來雙目難開

丹治風赤眼乾蝟十箇炙為末冷清茶下二錢夜臨臥

與服聖惠方

點睛雜方

點藥諸方分陰陽並見前眼痛分黑白條

世治眼暴赤腫大田螺以清水漾去泥壁去掩入黃連末

一錢磨些少在內將一盞子安少濕泥仰安田螺在泥上

粘定露一宿次日早盡化為水以鷄翎刷眼痛處則瘥

外治赤眼及睛上瘡秦皮一兩清水一升於白碗中浸春

夏一食時以上看碧色出即以筋頭纏綿仰臥點所患眼

乃先從大眥中滿眼點微痛不畏良久三五飯頃即側臥

瀝却熱汁每日十度已上不過二日瘥 治赤目疼痛地

骨皮三升水三斗煮取三升去查納鹽二兩煎取二升傳

目或加乾薑二兩

博濟治風毒上攻眼腫痒澁痛不可忍者或上下臉皆赤

爛浮翳瘀肉侵睛神效驅風散

五倍子兩 蔓荆子一兩

右同杵為末每用二錢木二盞銅瓦器內煎及一盞瘥

查熱淋洗留滓二服又依前煎淋洗大能明眼目去渣

痒

潔眼稍赤爛

黃連三錢 白礬三錢 銅綠 蜜陀僧一錢

輕粉少

右為極細末少少貼之

東碧雲散搗藥

青黛半錢 蔓荆子半錢 川芎二錢 薄荷二錢

鬱金一錢 石膏一錢 細辛一錢 紅苴一錢

芒硝錢

右為細末口噙水鼻孔內噴之

治赤眼頭風等症此方名為神聖散

乳香

沒藥

川芎

石膏

雄黃各二錢

盆硝兩半

右為細末專治赤眼冷淚頭風耳聾耳痒鼻塞聲重一

搖牙根便住

保眼發赤腫毒氣侵睛脹痛宜拔毒散

盆硝

乳香

雄黃

沒藥各等分

右為細末研以少許搐鼻中

治眼風毒發腫鼻中欲嚏嚏多鼻損而生瘡宜風散

川芎

甘菊各二錢

乳香

沒藥各一錢

右為末少許搐鼻中

貼洗雜方

本治赤腫眼以白薑末水調貼脚掌心 又以土硫蜜調

帛貼眼上

山赤眼用九節黃連秦皮麩末加滑石一塊煎湯洗 又

方用熱湯豁洗或濃煎冬青葉湯入鹽熱洗

丹治火眼艾燒細烟以碗蓋之候烟上成煤取下以溫水

調洗之入黃連尤妙

垣廣大重明湯治兩目臉赤爛熱腫疼痛并稍赤及眼臉

痒及痒極抓至破爛赤腫眼楞生瘡痂目多眵痛隱澆難

開

草龍膽稍

防風

甘草根

細辛各等分

右剉如麻荳大內甘草不剉只作一挺先以水一大碗

半煎草龍膽一味乾一半再入餘三味煎至一小半碗

去渣用清汁帶熱洗以重湯坐令極熱日用五七次洗

畢少合眼須臾即去努肉縱長及痒亦減矣

迎氣 運氣目赤有二

風助火 熱在上

一曰風助火熱於上經云少陰司天之政二之氣陽氣布風乃行寒氣時至民病目瞎目赤氣鬱於上而熱又云少陽司天之政初之氣風勝乃淫候乃大溫其病氣怫於上

目赤是也

火極盛 熱在中

二曰火盛經曰火太過曰赫義赫義之紀其病目赤又云火鬱之發民病目赤心熱又曰少陽司天之政三之氣炎暑至目赤又云少陽之勝目赤是也

肝實宜 清之 肝虛宜 溫之

三曰燥邪傷肝經云歲金太過燥氣流行民病目赤又云陽明司天燥氣下臨肝氣上從脇痛目赤是也

針灸

內經灸刺白眼痛有四法

其一取足太陽經云目痛赤脈從上下者太陽病故知取

之也

其二取足陽明經云目痛赤脈從下上者陽明病故知取

之也

其三取足少陽經云目痛赤脈從外走內者少陽病又手

足少陽之脈所生病者皆目銳眦病故知取之也

其四取睛脈經云邪客足陽蹻之脈令人目痛從內眦始

刺外踝之下半寸所左刺右右刺左又云目中赤痛從內

眦始取之陰蹻也

灸刺黑珠痛有三法

其一取足太陽經云足太陽有過項入于腦者正屬目本

名曰眼系頭口若痛取之在項中兩筋間是也

其二取足厥陰經云肝足厥陰之脈上入頰頰連目系故

取之也

其三取少陰經云手少陰之别名曰通里屬目系取之掌後一寸也又足少陽之正陽明之正皆繫目系經無取法也

子和余嘗病目赤或腫或翳作止無時偶至新息帥府百餘日羞明隱澹腫痛不已忽眼科姜仲安云宜刺上星至百會速以銚針刺四五十刺攢竹穴絲竹空穴上兼眉際二十刺及鼻兩孔內以草薤彈子出血如前約二升許來日愈太半三日平復如初

潔眼痛睛欲出者須八關大刺十指間出血須下指縫

心眼暴赤腫 神庭 上庭 顛門 前頂

百會各出血立愈

世眼腫 二間 行間

摘眼疼不可忍 風池 合谷立愈

眼紅腫羞明怕日并昏 睛明斜飛向鼻不可直針忌灸 童子窳

入五分 眼痒痛 光明 第五各瀉 行間

羞明怕日 攢竹 合谷灸 小骨空灸如前 二間

風眼卒生翳膜疼痛 中指本節尖上灸三壯小麥大左灸右灸左

諸障 睛明 四白正決下 太陽百會商陽厲

兌光明各出血合谷三里命門滑光光明各灸之

眼赤腫疼痛 陽谷一分瀉 至陰

甲內眥赤腫目眈眈無所見背痒痛淫膚白翳睛明主之

○目眈眈赤痛天柱主之 ○目痛泣出甚者如脫前谷主

之 ○眼痛下廉主之 ○白膜覆珠無所見解溪主之 ○

青盲無所見遠視眈眈目中淫膚白膜覆瞳子目窻主之

○目痛口僻疾目不明四白主之 ○目痛引背少腹偏痛

皆一啞瘕痙視昏嗜臥照海主之瀉左陰躄取足左少陰  
 前作春先刺陰躄後刺少陰氣在橫骨上○目中白翳然谷取  
 之○目視不明振寒自翳瞳子不見腰兩脇痛脚痠轉筋  
 丘墟主之○目赤目黃顴竅主之○目眩無所見偏頭痛  
 引目外皆張急領厭主之○目中痛不能視上星主之先  
 取噫嘻後取天牖風池○目痛不明斷交主之  
 翳眼痛久不愈○魚際壯灸七

外障在睛外遮睛

表裏上  
 經云診目痛赤脈從上下者太陽病從下上者陽明病從  
 外走內者少陽病按此論表裏之翳明矣用以治症如鼓  
 應桴也

翳從上  
 下者六

凡赤脈翳初從上而下者屬太陽以太陽主表其病必連  
 眉稜骨痛或腦項痛或半邊頭腫痛是也治法宜溫之散

之溫則臘茶鹽川附等分煎服立愈戴立齋嘗以此

川附一錢作一服隨愈散則簡要夏枯散東垣選奇湯之

類是也○一方附子半兩芽茶一大撮白芷一錢細辛川

芎防風羌活荆芥各半錢煎服神効

兼服夏枯草治眉稜痛目翳從上下者累効必與退雲丸相

選奇湯治眉稜骨痛目翳從上下者妙方見眉痛條

羌活除翳湯治太陽寒水翳膜遮睛不能視物

麻黃根分一 羌活半一兩 防風一兩 藁本七

薄苛葉分二 細辛少 荆芥蕙七 煎成藥加之

川芎分三 當歸根分三 生地酒一 小椒分五

黃栢分四 知母酒五 製

右咬咀每服三錢水三大盞煎至一盞半入荆芥蕙再



煎至一盞去查稍熱服後忌酒濕麪

本又方

防風兩一

白蒺藜兩一

羌活兩一

甘菊兩二

右為細末每服二錢入鹽少許百沸湯點服食後

赤脈翳初從下而上者或從內眥出外者皆屬陽明以陽

明主裏其症多熱或便實是也治法宜下之寒之下則局

方流氣飲錢氏瀉青丸局方溫白丸加黃連黃柏之類累

用累驗寒則一味黃連羊肝丸之類也

局流氣飲治目生翳障

大黃炮

牛蒡子炒

川芎

菊花去枝

白蒺藜炒去

細辛去苗

防風去苗

玄參去苗

山梔去皮

黃芩去蘆

甘草炙

蔓荊子

荆芥去梗

木賊去根節各一兩

草大明一兩半

蒼朮二兩

右為末每服二錢臨臥用冷酒調下

羅撥雲散治因眼發濕熱不退而作翳膜遮睛昏暗羞明

隱濇難開

川芎

草龍胆

楮實

薄荷

羌活

荆芥蕙

石決明

草決明

蒼朮

大黃

甘草

木賊

密蒙花

連翹

川椒

甘菊

桔梗

石膏

地骨皮

白芷

白蒺藜

檳榔略一

石燕對一

右件搗羅為細末每服三錢溫茶清一盞調下食後一

日三服忌雜魚鳥諸肉

海藏東垣先生治癰後風熱毒翳膜氣暈遮睛以瀉青丸

子瀉之大効初竟易治

保命集云癰後翳膜亦能治之瀉清丸減大黃一半用之

妻姪女形肥筭年時得目疾每一月或二月一發七時紅腫瀆痛難開如此者三年服除風散熱等劑及尋常眼藥則左目反有頑翳從銳眥來遮瞳人右目亦有翳從下而上經云從內外走者少陽病從下上者陽明病予謂此少陽上明二經有積滯也脈短滑而實晨則似短潔古云短為有積滯遏抑臟腑宜下之遂用溫白丸減川芎附子三之二多加龍胆黃連如東垣五積法從二丸每日加一丸加至大利然後減丸又從二丸加起忽一日於利中下黑塊血若干如墨大而硬堅從此漸愈痊而翳盡去矣

**世黃連羊肝丸**治目翳從下上者從內皆出外者神效見方

障內  
赤脈翳初從外皆入內者為少陽以少陽主半表半裏

解  
法宜和解之神仙退雲丸之類是也

垣神仙退雲丸治一切翳暈內外障昏無睛者累效妙方也

川芎

當歸各半

犀角酒洗

枳實

川棟

鹽殼

甘菊

薄荷葉不見火已

上各半兩

瓜蒌仁生者六錢 蛇退

密蒙花

荆芥蕙

各二錢此三味與甘草同焙乾去甘草不用

地骨皮洗

白蒺藜

微炒去刺 羌活

生地

酒洗焙乾各一錢

川木賊

一兩半去下節便浸一宿焙干

右為細末煉蜜為丸每一兩分作十九丸米泔湯調服日進二三丸食後婦人當歸湯下有氣者木香湯下使之在人消息

本治諸眼患因熱病後毒氣攻眼生翳膜遮障服此藥逐

旋消退不犯刀針

青箱子

防風

枳殼各一兩

羌蔚子

細辛各半兩

枸杞子

澤瀉

生地黃

石决明各一兩半

黃連半兩

車前子

川當歸

麥門冬去心各二兩

右各如法修事焙乾為末煉蜜丸如桐子大每服三十丸飯飲吞下忌一切熱毒物

垣羌活退翳湯

羌活二兩

防風一兩

黃芩半兩酒炒

柴胡三兩

五味子二兩

黃栢五兩酒炒

芍藥五兩

黃連二兩

甘草

草龍胆五兩酒洗

黃芪三兩

升麻二兩

歸身二兩

石膏二兩

右件剉如麻荳大水二盞分作二服煎至一盞入酒少

許去杏臨臥熱服忌言語

消翳散一名龍膽飲子

青蛤粉兩半

羌活

龍膽草

黃芩各三錢

蟬退五分

麻黃一錢

穀精草半兩

升麻二錢

川鬱金兩半

甘草根炙五分

右為細末每服二錢食後溫茶調下已上四方熱多者宜之

又方

川芎

羌活

旋覆花

防風各二兩

甘草

蒼朮酒浸一夕去皮日乾不見火

楮實

楮葉並八月採陰乾已上各一兩

甘菊

枳實

蟬退

木賊各一分

右木臼中治為末茶清調下二錢早食後臨臥各一服治暴赤眼忌濕麪及酒楮實須真無實者取葉不爾諸

藥無効合時不得焙及犯鐵器予觀此方取楮葉必無實者蓋陰陽二合相匹配耳有實者陽也無實取葉者陰也所以不得真楮實者悉無効

羅五秀重明丸治眼翳膜遮睛隱澁昏花常服清利頭目

甘菊花開頭五百箇 荆芥五百穗 木賊去節五百節 楮實五百枚

川椒開口者五百粒

右為細末煉蜜為丸如彈子大每服一九細嚼時時咽

下食後噙化無時臨臥大忌酒麪熱物已上二方無

表裏下翳膜若風熱重則有之或癰入眼此肝氣盛而發在表也

翳膜已生在表明矣宜發散而去之若反疎利則邪氣內

搐為翳益深邪氣未定謂之執翳而浮邪氣已定謂之水

醫而沉邪氣牢而深者謂之陷翳當以熅發之物使其邪

氣再動翳膜乃淨佐之以退翳之藥而能自去也病久者

不能速効宜以歲月除之

醫分新久

新醫所生表散方東垣羌活除醫湯有熱血虛者退雲丸之類是也

保治水醫久不去者羚羊角散

羚羊角 升麻 細辛各等分 甘草半斤

右為末一半煉蜜為丸每服五七十九用一半為散以

泔水煎吞丸子食後

熅發陷翳亦羚羊角散之類用之在人消息若陰虛有熱者兼服神仙退雲丸

垣補陽湯治陽不勝其陰乃陰盛陽虛則九竅不通令青

陰盛陽虛當先補其陽後瀉其陰

白翳見於大眦乃足太陽少陰經中鬱滯足厥陰肝經氣不得上通於目故青白翳內阻也當於太陽少陰經中九原之下以益肝中陽氣衝天上行此當先補其陽後於足

太陽少陰標中瀉足厥陰肝經陰少乃次治也內經曰陰盛陽虛則當先補其陽後瀉其陰此治法是也每日清晨以腹中無宿食服補陽湯臨臥服瀉陰丸若天色變大寒大風并大勞役預日飲食不調精神不足或氣弱俱不得服候體氣和平天氣如常服之先補其陽使陽氣上升通於肝經之末利空竅於眼目矣

羌活

獨活

當歸身

去芦頭用稍截酒洗焙乾

甘草稍

熟地黃

人參

去芦

黃芪

白朮已上各一兩

澤瀉

陳皮

去白各一兩

生地黃

炒二兩

白茯苓去皮

知母

炒黃色各五錢

柴胡

去苗

防風

去芦半兩

白芍藥兩

肉桂

去皮一錢

右同為齋末每服半兩水二大盞煎至一盞去查溫服

空心使藥力行盡方許食

連栢益陰丸

羌活

獨活

甘草根炒

黃歸

依前製

防風

五味子各半兩

黃連

酒洗或行制炒火色二兩

石決明

燒存性五錢

草決明

黃芪

黃栢

知母各一兩

右為細末煉蜜丸如棗豈大每服五十九漸加白丸止

臨臥清茶送下常以助陽湯多服少服此藥以此藥一

則妨飲食二則力大如升陽湯不可多服

升陽泄陰丸

羌活

獨活

甘草根

歸身

熟地各一兩

人參

黃芪

白朮

各半兩

瀉澤三錢

白芍藥兩

陳皮

三錢

白茯苓

防風三錢

肉桂半錢

生地

酒洗炒五錢

知母

酒炒三錢如大

暑加一錢

楮實酒拌

柴胡去苗一錢半

右咬咀每服五錢水煎熱服另合一料煉蜜丸如桐子大食遠茶清送下五十九每日與前藥各一服不可飽服如天氣熱甚加五味子三錢或半兩天門冬去心半兩枳實亦加半兩

右上一三方合治一病空心補陽湯臨臥連栢丸食遠升陽泄陰丸

瞳子散  
大神除

滋陰地黃丸治內障兼右目小眦青白翳瞳子散大方見丹丈夫因勞力後兩眼上星右邊獨昏此熱傷血

白朮

歸身尾

生地

木通

黃連酒浸

黃芩炒

黃栢炒各二兩

甘草炙一錢

分三貼前服大熱加白芍藥

○翳除盡至期年月

期復發者有積

雜方

宜溫白丸加黃連草龍膽如東垣五積法服之百點膏張濟民眼翳以至遮瞳人視物不明如覺雲氣遮障以此方治之

黃連

二錢以水一盞煎至半碗再入後藥

當歸分六

甘草根分六

防風根分八

麩仁去皮尖三分

右剉如麻苴大麩仁另研如泥同熬滴入水中不散去查沫入好蜜少許再煎少時為度極要病人心淨點之點至目微痛為度一日點五七次臨臥點尤妙名曰百點膏但欲多點使藥力相續

羌活退翳膏治足太陽寒水膜遮左睛白翳上視物不明

椒樹東南根西北根各二兩

麻黃去節根三分

羌活七分

黃連三分

歸身分六

防風分三

柴胡分三

生甘草分四 升麻分三 生地黃分三 漢防已分二

麩仁分六 藁本分二

右淨水一碗先煎漢防已黃連生甘草當歸身生地黃煎至一盞入餘藥再煎至一盞去渣入銀磁器內熬稀膏點之有力為度

退翳膏子治黑白翳

荆芥穗錢一 黃連錢三 生地黃半錢 甘草分五

歸身分六 連翹分四 柴胡稍分五 升麻分三

防風分四 麩仁分三 青皮分四 細辛分一

右先用水半盞浸荆芥一處次將黃連生地甘草二味用水一大碗煎至半碗再下餘七味同煎至一盞去渣更上火熬至半盞入荆芥水二匙入蜜少許再煎令勻

點之神效

圓明膏治內障生翳及瞳子散大皆勞心過度飲火酒

柴胡去苗錢五 麻黃去蘆錢五 歸身錢三 生地兩半

黃連去鬚錢五 甘草錢二 訶子皮濕帛裹錢二

右七味先以水二碗熬麻黃至一碗去沫外六味各咬咀如荳大篩去沫子秤入內同煎滴水中不散去渣沫入蜜少許再熬點之

右點方四皆東垣先生所製乃隨證立法非如泛常通用之方如瞳子散大用訶子收之之類也

保金絲膏點眼

生薑取汁四兩 白蜜煉去沫一斤 假猪膽汁錢三 黃連四兩 碎用水

一斗前至五升

右先煎黃連水後入薑汁次入蜜同煎去沫淨入下項

腦子 礪砂 熊膽各錢四 射香

青鹽各三錢 輕粉許 鵬砂二錢

右研細攪勻同煎令稀膏用之

羅金露膏

麩仁二錢 黃丹各一兩 黃連半兩 蜜六兩

右件先將黃丹入鍋中炒黃至紫入蜜攪勻下長流水四升以嫩柳枝頭七莖把定攪之次下麩仁候滾十數沸又下黃連用柳枝不住手攪熬至二升罈籬內俟藥在紙上慢慢滴之無令塵污如有瘀血加硃砂一錢上火煨開入前膏子內用

夜光丸治赤眼翳目昏花

宜黃連 訶子去核各二兩 當歸一兩 銅綠一錢

右咬咀用河水三升同浸兩晝夜入銀磁器熬取汁再入文武火熬槐柳枝攪滴水成珠為度

假猪胰子二箇先去脂以水洗換水无度令淨入讀連膏內煮黑色取出用之

蘆苕石燒一兩童便一兩 黃連四兩河水浸去

青監六兩細研 蜜一斤澄 梨十枚去皮核絞取汁

右將梨汁苕石入膏子內熬五七沸次入青監用槐柳枝撓褐色傾入磁甕冷水內拔去火毒臘月合為妙正月十一月次之餘月皆不可

濟蟾光膏治遠年目病不通道路去翳膜須用臘月成開

日合

白沙蜜四兩色白者炒隔年蔥一枝去鬚皮短切與蜜一同熬去白膜觀蔥軟熟為度以綿繩淨

收定用紙 黃丹三錢水飛生用 蜜三錢水飛生用

蘆苕石煨過五錢淨水飛 杏仁已上三味研極細

當歸 赤芍藥 杏仁湯炮去皮尖已

黃連去芦頭 川芎兩半 秦皮 訶子皮



防風

石膏

玄精石

井泉石

無名異

玄參

代赭石

石決明已上十五

味各三錢以咀或雪水或長流河水五升銀磁器內熬至三升蠟去查淨再熬至一升將十五味藥水傾入前放下藥蜜一同慢火熬藥紫

金色時再添入後藥勿令火急

乳香

沒藥

琥珀

硃砂研另

麩仁去油用仁

已上五味各三錢前四味先研爛後入麩仁水飛一同

研細澄有查再水飛研清再水飛方傾入前紫金藥內

一同復熬一二沸以藥滴於水中不散為度大抵勿令

過與不及取下土中埋七日取出置銀器中如法收貯

再添入後細藥傾入藥時亦用桃柳枝撓勻

南鵬砂

珍珠

龍腦

珊瑚枝四味各一

錢

麝香五分

右件五味研極細亦以桃柳枝撓勻傾入

藥中復撓

勻然後以帛封器盒口旋取用如有取不尽藥用淨水

斟酌洗碗却將碗藥水熬三五沸另行收拾或洗眼或

膏子藥稠了時傾入些少調解

右用葉柴燒共計二十九味

肝療目熱生膚赤白膜取雀屎細直者人乳和付目上消

爛盡○烏賊骨主目中一切浮翳細研和蜜点之又骨末

治目中翳有効

丹治眼翳樗白皮索為繩日乾燒為灰研細点之自漸退

妙○又方猪膽皮去汁搯為繩燒灰点之亦妙

東碧雲散治外障搗藥

麻黃根一

歸身一

乳香少

右將當歸麻黃為粗末炒黑色入乳射研極細噲化搗

入鼻中

搐鼻

薄荷紅

石膏紅

芒硝

川芎絡

細辛紅

蔓荊子紅

青黛紅

右為末鼻內搐之

丹楊生娘患赤眼生膜似白星

秦皮

滑石

黃連

荊芥

歸頭

赤芍藥絡

右分四貼煎洗仍教其莫洗浴止可洗脚

干治法以鵝翎截之近黑睛及當白睛啣之膜自聚上以

針鈎挽之割去即見物以綿當眼着血斷三日瘥

東垣醫魏邦彦夫人目翳暴生從下而起其色綠腫痛不

可忍先師曰翳從下而上病從陽明是也綠非五方之正

色殆肺腎合為病取乃就盪蒙以墨膩粉合

諦視之

與翳同色肺腎為病無疑矣乃瀉肺腎之邪而入陽明之

藥為之使既効而他日病復作者三其所從來之經與翳

色各異乃以意消息之曰諸脈皆屬於目脈病則從之此

必經絡不調則日病未已也問之果然因視所不調者治

之病遂不作

針灸外障並見日赤門

內障

在睛裏昏暗與不患之眼相似唯瞳人裏有隱七青白者

無隱七青白者亦有之

丹一老人病目暴不見物宅無所苦起坐飲食如故予曰

太虛急煎人參膏二斤服二日目方見一醫與青礪石藥

予曰今夜死矣不悟此病得之氣大虛今不救其虛而反

用礪石不出此夜必死果至夜半死○一男子四十餘歲

氣虛則  
目暴无  
光

形實平生好飲熱酒忽目盲脈濇此因熱酒所何胃氣汚濁之血死在其中而然也遂以蘇木作湯調人參膏飲之服二日鼻內兩手掌皆紫黑予曰此病退矣滯血行矣以四物加蘇木桃仁紅花陳皮煎調人參末服數日而愈○一男子五十五歲九月間早起忽開眼無光視物不見急就睡片時却能見人物竟不能辨其何人何物飲食減平時之半神思極倦脈之緩大四至之上重按則散而無力予作受濕治詢之果因臥濕地半个月得此証遂以白朮為君黃芪茯苓陳皮為臣附子為佐十餘貼而安

右三方治目不明皆為氣脫而用參朮追回者也經云上焦開發宜五穀味薰膚充身澤毛若霧露之漑是謂氣脫者目不明即其証也

人參補胃湯治勞役飲食不節內障眼病此方神効

黃芪根一兩

人參一兩

甘草六錢

蔓荊子二錢

白芍藥三錢

黃栢三錢  
次炒四錢

右咬咀每服三四錢水一大盞煎至一盞去查稍熱服

臨臥三五服兩目廣大視物如常惟覺兩脚踏地不知

高下蓋火伏升發故也病減住服七日再服此藥宜春間服之

益氣聰明湯治飲食不節勞傷形體脾胃不足內障耳鳴或多年視物昏暗令目廣大久服無內障耳鳴耳聾之患又令精神倍常飲食增倍身輕體健耳目聰明

黃芪兩半

甘草根六錢

升麻根三錢

葛根三錢

蔓荊子一錢

黃栢一錢  
洗四錢

右咬咀秤二錢水二鍾煎至一鍾去查熱服臨臥服五

更再煎服之得睡更妙如煩亂或有熱春月漸加黃栢夏月倍之如脾胃弱去之熱減亦少用但有熱或麻木或上壅頭目三兩服後其熱皆除又治老人腰以下沉重疼痛此藥久服治人上重反有精神兩足輕浮不知高下空心服之或少加黃栢輕浮自減小兒減服多則壅滯若治倒捷去黃栢芍藥忌煙火酸物

圓明內障升麻湯治內障得之脾胃元氣衰弱心火與三焦俱盛為此疾劉舜卿因南征飲食失節形體勞役心不得休息眼疾復作今擬此方服之效

- 柴胡根錢士 羌活根半一兩 防風根兩半 白朮
- 甘草炙 歸根酒洗 升麻根各一兩 白芍錢大
- 乾薑錢一 五味子錢二 人參
- 黃芪兩一 白茯苓錢三 葛根

右咬咀每服五六錢水三大盞煎至二盞入黃芪湯一錢同煎數沸去查煎至一盞食後熱服

黃芩黃連湯一方有升麻五錢柴胡一兩

- 黃芩酒洗炒 黃連去鬚酒洗炒七錢 草龍膽一兩酒洗炒四次
- 生地酒洗兩

右咬咀每服二錢入水二盞煎數沸去查再煎至一盞熱服午後晚間俱不可服唯午飯時服之方效

復明散治內障

- 黃芪錢一 川芎分五 柴胡 連翹
- 甘草各錢 歸身錢二 蒼朮分五 生地錢一
- 陳皮分五 黃栢分三

右劉如麻荳大每作一服水二大盞煎至一盞去查稍熱服食後忌酒濕麪辛熱大料之物

右四方治目不明皆氣虛而未脫故可與參芪中微加  
連栢若氣既脫則黃栢等涼劑不可施經云陽氣者煩  
勞則張精絕目盲不可以視耳閉不可以聽之類是其  
證也

血虛則  
睛散大  
視物花

內障瞳子散大論并方腎主骨之精為瞳子散大者因腎  
水虛骨枯而心包絡之火得以乘  
也○凡心包絡之脈出於心中代心君行事也與少陽為  
表裏瞳子散大者少陰心之脈挾目系厥陰肝之脈連目  
系心主火肝主木此木火之勢盛也其味則宜苦宜酸宜  
涼大忌辛辣熱物是瀉木火之邪也飲食中常知此理可  
也以諸辛主散熱則助火故不可食諸酸主收心氣瀉木  
火也諸苦瀉火熱則益水也尤忌食冷水大寒之物此物  
能損胃氣胃氣不行則元氣不生元氣不生緣胃氣下陷  
胃中二焦之火及心火乘於肺上入胃灼髓火主散益瞳

子之散大者以此大熱之物直助火邪尤為不可食也  
中去茺蔚子以味辛及主益肝是助火也故  
半兩黃連三錢黃連瀉中焦之火黃芩瀉上焦肺火以酒  
洗之乃寒因熱用也亦不可用青箱子為助陽火也更加  
五味子三錢以收瞳人之散大也且火之與氣勢不兩立  
故經曰壯火食氣氣食少火少火生氣壯火散氣諸酸物  
能助元氣孫真人云五月常服五味子助五臟氣以補西  
方肺金又經云以酸補之以辛瀉之則辛瀉氣明矣或曰  
藥中有當歸其味亦辛其而不去何也此一味辛甘者以  
其和血之聖藥也况有甘味又欲以為鄉導為諸藥之使  
故不去也

熟地黃九治血弱氣虛不能養心致火旺於陰分瞳子散  
大小陰為火君主無為不行其令相火代之與心包絡之

脈出心系分為三道少陽相火之體無形其用在其中矣  
火盛則能令母實乙木肝旺是也其心之脈挾目系肝之  
脈連目系况手足少陽之脈同出耳中至耳上角斜起終  
於目外小背風熱之盛亦從此道來上攻頭目致偏頭肺  
悶瞳子散大視物昏花血虛陰弱故也法當養血涼血益  
血收火散火而除風熱則愈矣

熟地兩一 歸身酒洗五錢 柴胡去苗八錢 天門冬去心二錢

錢 人參去蘆二錢 甘草炙二錢 地骨皮三錢

黃芩兩半 枳殼炒二錢 五味子三錢 生地黃七錢

右為細末煉蜜丸如菘荳大每服一百丸茶湯送下食  
後日二服制之緩也大忌辛辣物而助火邪及食  
物

由食辛熱之物助火乘於胃中其睛故散睛散  
亦大也

益陰腎氣丸 此壯水之主以鎮陽光也

山茱萸取皮一兩 茯苓神去皮心二錢半 五味錢五 熟地兩二

乾山藥錢五 澤瀉半錢 牡丹皮錢五 生地酒洗焙乾一兩

歸稍酒洗錢五

右為細末煉蜜丸如桐子大硃砂為衣每服五七十九

淡監湯送下

滋陰地黄丸治內障右眼小背青白翳大背亦微顯白翳  
腦痛瞳子散大上熱惡熱大便澀後痞難小便如常遇熱  
煖處頭疼暗脹能食日沒後天陰暗則昏此症可服熟地  
黃丸翳在大眦加葛根升麻翳在小眦加柴胡羌活

熟地錢八 生地酒洗半兩 歸身酒洗半兩 知母酒洗炒三錢

丹參兩半

黃柏酒浸焙

芍藥三錢

防已酒洗焙

羌蔚子兩半

牡丹皮三錢

寒水石生用

柴胡兩半

黑附錢一

川芎錢二

右為細末煉蜜丸如小豈大空心五十九白湯下如宿食未消候飢時服之餌後忌言語隨後食壓之

保當歸湯治翳補益瞳子散大

歸身

黃芩各錢

黃連

地黃各三錢

柴胡錢一

芍藥錢二

甘草炙三錢

右水煎臨臥服

羅甘菊花丸治男子腎臟虛弱眼目昏暗或見黑花常服明目煖水臟活血駐顏壯筋骨

甘菊花去土

枸杞兩四

熟地兩三

乾山藥兩半

右為細末煉蜜丸如桐子大每服三四十九空心食後

各一服溫水下

瑞竹四神丸治腎經虛損眼目昏花補虛益損及兩眼雲翳遮睛

甘州枸杞

一斤棘去白醜青雉者一珠分作四分一兩四錢用川椒一兩炒一兩四錢用乳

香茴香各一兩炒一兩四錢用芝蔴一合炒七時先用好酒一盞將枸杞淘過

右件炒過將川椒等四味篩去不用止用枸杞子加熱

地白木茯苓各一兩同為細末煉蜜為丸如桐子大每

服五七十九空心溫酒送下加甘菊一兩尤妙

右地黃枸杞補腎例按瞳子散大不當用羌蔚川芎附

子今東垣滋陰地黃丸兼用者蓋有外障大小眚之醫

故也

保柴胡散明目益腎水

柴胡

羌活

防風

生地

芍藥 甘草各等分

右為鹿末水煎臨臥服

視受邪者血病

東垣云肝木旺則火之勝無所畏懼而妄行也故脾胃先受之或病目而生內障者脾衰血胃主血心主脈七者血之腑也或曰心主血又云脈主血肝之竅開於目也亦前

熱也黃光之類是也

赤血鬱者目昧

河目昧不明熱也然玄腑者無物不有人之臟腑皮毛肌肉筋膜骨髓牙爪至於世之萬物盡皆有之乃氣出入升降之道路門戶也人之眼耳鼻舌身意神識能為用者皆升降出入之通利也有所閉塞者不能為用也若目無所見耳無所聞鼻不聞臭舌不知味筋痠骨痺爪退齒腐毛髮墮落皮膚不仁腸胃不能滲泄者悉由熱氣怫鬱閉密而致氣液血脈榮衛精神不能升降出入故也

鬱結微甚而為病之輕重故知熱鬱於目則無所見之文目微昏者至近則轉難辨物由目之玄腑閉小如物之象也或視如蠅翼者玄腑有所閉合者也或見黑花者由熱氣甚而癸之於目亢則害承乃制而反出其泣氣液眯之以其至近故雖微而亦見如黑花也

誠哉河間斯言也目盲耳聾鼻不聞臭舌不知味手足不能運用者皆由其玄腑閉塞而神氣出入升降之道路不通利故先賢治目昏花如羊肝丸用羊肝引黃連等藥入肝解肝中諸鬱蓋肝主目肝中鬱解則目之玄腑通利而明矣故黃連之類解鬱熱也椒目之類解濕熱也羌蔚之類解氣鬱也芎歸之類解血鬱也木賊之類解積鬱也羌活之類解經鬱也磁石之類解睡鬱墜邪氣使下降也蔓菁下氣通中理亦同也凡此諸劑皆



治氣血鬱結目昏之法而河間之言信不誣矣至於東垣丹溪治目昏用參芪補血氣亦能明者又必有說通之蓋目主氣血盛則玄腑得利出入升降而明虛則玄腑無以出入升降而昏此則必用參芪四物等劑助氣血運行而明也

羊肝丸三方又散一方並見肝條治肝中諸鬱目昏如神

黍治久年眼生黑花不明者

椒目炒一兩 蒼朮炒二兩

右件為末醋糊丸如桐子大每服二十九醋茶送下不過十日取效丹溪云椒目行慘道不行也

外補肝散治三十年失明疾藜子七月七日收陰乾搗散飲食後水服方寸七

但瞳子不壞者療十得九愈蔓菁子六升蒸之香

用甌下釜中熱湯淋暴乾還淋如是三遍即取杵篩為末

食上清酒調二錢送下日再服本草云蔓菁子下氣利五臟又利大便通中益氣

經治虛勞目暗昧三月蔓菁花陰乾為末以井花水空心

調下二錢七久服長生

世五福還瞳丹治目白翳赤石脂川椒二味同炒辰砂茯神乳香束肉為丸如桐子大空心溫酒下百九十服見效

內障取足厥陰太陽手少陰

按內障先患一目次第相引兩目俱損者皆有翳在黑

睛內遮瞳子而然今詳通黑睛之脈者目系也目系屬

足厥陰足太陽手少陰三經蓋此三經臟腑中虛則邪

乘虛入經中鬱結從目系入黑睛內為翳龍木論所謂

腦脂流下作翳者即足太陽之邪也所謂肝氣衝上成

翳者即足厥陰之邪也故治法以針言之則當取三經

之腧穴如天柱風府太衝通里等穴是也其有手巧心

醫曹李綱目卷三

審諦者能用針於黑眼裏撥其翳為効尤捷也以藥言之則當補中疎通此三經之鬱結使邪不入目系而愈今集龍木論并方于後

龍木論羚羊角飲子治圓翳內障不痛不痒

羚羊角三兩

細辛

知母

車前子

人參

黃芩各二兩

防風二兩半

右為末每一錢以水一盞煎至五分食後去查溫服之

補肝散治肝風內障不痛不痒眼見花發黃白黑赤或一

物一形

羚羊角

防風各三兩

羌活

車前子一兩

人參

茯苓各二兩

細辛

玄參

黃芩炒各一兩

右為末食後調服一錢米飲湯下

羚羊角散治綠風內障頭旋目痛眼內痛澁者

羚羊角

防風

知母

人參

茯苓各一兩

玄參

黃芩

桔梗一兩

細辛三兩

車前子一兩

右為末以水一盞散一

五分食後去查溫服

者 羚羊角湯治青風內障勞倦加昏重頭旋腦痛眼內痛澁

羚羊角

人參

玄參

地骨皮

羌活一兩

車前子一兩半

右為末以水一盞散一錢煎至五分食後去查溫服

右四方皆羚羊角玄參細辛羌活防風車前子為君蓋羚羊角行厥陰經藥也丹溪云羚羊角入厥陰經甚捷是也玄參細辛行少陰經藥也海藏云玄參治空中氣

氲之氣無根之火為聖藥也羌活防風車前子行太陽  
經藥也如筋脈枯澁者諸方中更加夏枯草能散結氣  
有補養厥陰血脈之功嘗試之有驗然此諸方又當悟  
邪之所在若氣脫者必與參膏相半服之氣虛者必與  
東垣補胃人參湯益氣聰明湯之類相半服之血虛者  
必與熟地黃丸之類相兼服之更能內觀靜守不干塵  
累使陰氣平伏方許作効

用中熱

蘆薈丸黑水凝翳內障不痛不痒微有頭旋脈瀆者

蘆薈 各一 甘草 各一 人參 各半 牛膽 各半

栢子仁 各一 細辛 各一 羚羊角 二兩 蜜炙

右為末煉蜜為丸如桐子大空心茶下十九

墜翳丸治偃月翳東花翳等病微有頭旋額痛者

青羊膽 青魚膽 鯉魚膽 各七 熊膽 一分

牛膽 兩 麝香 許 石決明

右為末麪糊丸如桐子大空心茶下十九

除風湯治五風痲成內障頭旋偏腫痛瞳人結白者

羚羊角 車前子 芍藥 人參

茯苓 大黃 黃芩 芒硝 各一

右為末水一盞散一匙煎至五分食後去渣溫服

磁石丸治雷風內障頭旋惡心嘔吐

磁石 燒赤醋 五味子 牡丹皮 乾薑

玄參 各一 附子 炮半

右為末煉蜜丸如桐子大食前茶下十九

治目方用黃連多矣而羊肝丸尤奇異用黃連末一兩

白羊肝一具去膜同於砂盆內研令極細衆手撚為丸如

桐子大每服以溫水下三十九連作五劑但是諸眼目疾

及障翳青盲皆治忌猪肉冷水唐崔承元為官治一死囚  
出活之後數年以病目致死一旦崔為內障所苦喪明逾  
年後半夜獨坐自歎忽聞堦除窸窣之聲崔問是誰徐曰  
昔年蒙恩活囚也今來報恩遂將此方告訖而沒依此合  
服不數月眼復得明

又方治內障

白羯羊肝

只用于肝一片焙熟地半

兔絲子

蕤仁

車前子

麥門冬

地膚子去殼

澤瀉

防風

黃芩

白茯苓

五味子

桂心

杏仁炒

細辛

枸杞子

茺蔚子

苦苧藤

青箱子各一兩

右為細末煉蜜丸如桐子大每服三四丸溫水下日  
三服不拘時候張臺卿嘗若目肝京師香者令灸肝俞

肝氣

遂轉不見物因得此方眼目遂明一男子內障醫治無  
效因以餘劑遺之一夕燈下語其家曰適偶有所見如  
隔門縫見火者及旦視之眼中翳膜俱裂如線張云此  
藥靈勿妄與人忽之則無驗予益信之且欲廣其傳也  
經云肝虛則目眈眈無所見耳汨汨無所聞善恐如人將  
捕之狀海藏云目瞑肝氣不治也

又鎮肝明目羊肝丸

羯羊肝

具新瓦盆中灯了更焙之肝大止用一半

其菊

羌活

栝子仁

細辛

官桂

白木

五味子

各半兩黃連三分

右為細末煉蜜丸如桐子大空心食前溫水下三四十  
丸

千補肝散治目失明方

青羊肝一具去三薄切之以新瓦甌子未用者入肝於中炭火炙之為極細末

蓼子令香

右為末食後服方寸七日二加至三七不過一二劑能一歲服可夜讀細書

治目眵眵無所見方用青羊肝一具細切以水一斗銅器中煮以麩餅覆上上鑽兩孔如人眼大以目向就薰不過再薰即瘥

肝血不足

養肝丸治肝血不足眼目昏花或生眵淚

當歸酒洗

車前子酒蒸焙

防風去芦

白芍藥

絳仁另研

熟地酒蒸焙

川芎

枳實各等分

右為末煉蜜丸如桐子大每服七十九熟水送下不拘時

素問云久視傷血血主肝故勤書則傷肝主目昏肝傷

則自生風熱氣上騰致目昏亦不可專服補藥但服益血

鎮肝明目藥自愈

熟地黃丸

熟地半斤

黃連

決明子各一斤

沒藥各一斤

甘菊花二斤

防風

羌活各一斤

桂心各一斤

硃砂五斤

右為細末煉蜜丸如桐子大每服三十九熟水下食後

日三服

胆熱

干明目髮不白落方用牛胆浸槐子陰乾百日食後每日

吞一枚十日身輕三十日白髮再黑百日通神

膽移熱於腦則辛頰鼻淵傳為衄血瞑目全文見診病傳亦變

腎虛

經云腎足少陰之脈是動則病坐而欲起目眵如无所

見○又云少陰所謂起則目眵无所見者陰內奪故目

眈上無所見也此蓋房勞目昏也

左腎陰虛

治瞳子散大諸方並見前陰虛睛散大條相兼服

必并前陰虛睛

東益本滋腎丸

黃栢去皮挫碎酒洗炒

知母去毛挫碎酒洗炒各等分

右為極細末滴水丸如桐子大每服

五十九熱湯

送下空心服上後以乾物壓之

濟補腎丸治腎氣不足眼目昏暗瞳人不明漸生內障

右腎陽虛

磁石煨醋焯七次水飛過

兔絲子酒蒸二次各二月

五味子

熟地酒蒸焙

枸杞子

楮實子

覆盆子酒浸

肉苁蓉酒浸焙

車前子酒蒸

石斛去根各一月

沉香

青鹽二味另研各半斤

右為末煉蜜丸如桐子大每服七十九空心鹽湯下

千神麴丸主明目百歲可讀細書

神麴

磁石煨醋焯七次一月

光明砂水飛一月

右為末煉如桐子大每服五丸米飲下食前日三

服常服益眼力此方神驗不可具述

外治積年日失明不識人决明子二升杵散食後以粥飲

服方寸匕 本草云决明子微寒助肝氣益精水

千白瓜子七升絹袋盛撓沸湯中三偏暴乾以酢五升浸

一宿暴乾為末酒調方寸匕服日三服之至百日可夜讀

書 本散主五勞七傷酢酸入肝

運氣自昏有四

一曰風熱經云少陰司天之政風熱叅布雲物沸騰太陰

橫流寒乃時至往復之作民病盍瞑此風熱叅布目昏也

二曰熱經云少陰在泉熱淫所勝病目瞑治以醎安此熱

勝目昏也

三曰風又云歲水不及濕乃大行復則大風暴發目視眊  
眊此風勝目昏也

四曰燥經云陽明司天燥淫所勝目昧眚瘍治以苦熱是  
也

本讀書之苦傷肝損目誠然晉范甯嘗苦目痛就張湛求  
方湛戲曰古方宋陽子少得其術以授魯東門伯次授左  
丘明遂世世相傳以及漢杜子夏晉左太冲凡此諸賢並  
有眼目疾此方用檢讀書一減思慮二專內視三簡外觀  
四宜起晚五宜早眠六凡六物燉神火下以氣簇蘊於胸  
中七日然後納諸方寸修之一年近能數其目睫遠視尺  
筆之餘長服不已洞見墻壁之外非但明目乃亦延年審  
如是而行非可謂嘲戲亦奇方也

羅省郎中張子敬年六十七歲病眼目昏暗微黑色皮膚

不澤六脈弦細而無力一日出示治目二方問予可服不  
予曰此藥以黃連太苦之藥為君諸風藥為使且人年五  
十膽汁減而目不明內經云土位之主其瀉以苦瀉風藥  
亦能瀉土年六十脾胃虛而皮肉枯重瀉其土使脾胃虛  
而不能營運榮衛之氣滋養元氣胃氣不能上行膈氣吐  
食諸病生矣又况年高衰弱此藥不可服只宜慎言語節  
飲食懲忿窒慾此不治之治也子敬以為然明年春除關  
西路按察司三年致仕還精神清勝脈遂平和此不服寒  
涼之劑也內經云誅伐無過是謂大惑解之可也

靈黃帝曰人之哀而涕泣者何氣使然岐伯曰心者五臟  
六腑之主也目者宗脈之所聚也上液之道也口鼻者氣  
之門戶也故悲哀愁憂則心動心動則五臟六腑皆搖搖  
則宗脈感宗脈感則液道開液道開故涕泣出焉液者所

針灸

以灌精濡空竅者也故上液之道開則泣泣不止則液竭液竭則精不灌精不灌則目無所見矣故命曰奪精補天柱經俠頸俠頸謂頭中分也

針灸內障有四法此篇是其一也

其二取肝經曰肝虛則目眈眈無所見善熱取其經厥陰與少陰取血者是也

其三取腎經云腎足少陰之脈是動則病目眈眈無所見視寒熱虛實取之也

其四取陽蹻經云邪之所在皆為不足上氣不足目為之瞑補足外踝下留之是也

玉眼久病昏花

肝膈

一分沿皮向外一寸半補三呼

三里

一寸瀉十吸

童子窈

子和戴人女僮至西華目急暴盲不見物戴人曰此相火

也太陽陽明氣血俱盛乃刺其鼻中攢竹穴與項前五穴大出血目立明

甲青盲遠視不明承光主之○瞳子癢遠視昏眈眈夜無見目潤動與項口相參引喎僻口不能言刺承泣 目瞑身汗出承漿主之

撮要眼無光○商陽

一分沿皮向後三分瀉之

甲青盲商陽主之○瞳目眈眈偏歷主之○瞳目眈眈眈眈少氣灸手五里左取右七取左○目瞑遠視眈眈目窻主之○青盲瞳目惡風寒上関主之

金針開內障法

龍木論內障根源歌

不疼不痛漸昏濛

薄霧輕烟漸七濃

或見蛇飛花亂出

或如絲絮在虛空

此般狀樣因何得

肝臟停留熱與風



大叫大啼驚與恐 腦脂流入黑睛中  
 初時一眼先昏暗 次第相牽與一全  
 苦口何須陳逆耳 只緣肝氣不相通  
 此時服藥宜銷定 將息多垂即沒功  
 日久既應全黑暗 時名內障七雙瞳  
 名字隨形分十六 龍師聖者云推窮  
 靈藥這回難得效 金針一撥日當空  
 強修將息依前說 莫遣依前病復踪

針內障眼法歌

內障由來十六般 學醫人子審須看  
 分明一一知形狀 下針方可得安然  
 若將針法同圓翳 誤損神光取瘥難  
 冷熱光明虛與實 調和四体待今安

不然氣悶違將息 嘔逆勞神翳却翻  
 咳嗽震頭皆未得 多驚先服鎮心丸  
 若求涼藥銀膏等 用意臨時體候看  
 老翳細針初復嫩 針形不可一般般  
 病虛新產懷娠月 下手總知將息難  
 不雨不風兼皓月 清齋三日在針前  
 安心定意行醫道 念佛親姻莫雜喧  
 患者向明盤膝坐 提撕腰帶得心安  
 針者但行賢哲路 惻隱之情實善緣  
 有血莫驚須住手 裏封如舊再開看  
 忽然驚振醫重卜 服藥三旬見朗然  
 七日解封難見日 花生水動莫它言  
 還睛丸散堅心服 百日分明復舊根

針內障後法歌

內障金針針了時

醫師言語要深知

綿包黑豆如毬子

眼上安排日係之

臥眠頭枕須安穩

仰臥三朝莫厭遲

封後忽然微有痛

腦風牽動莫它疑

或針或絡依經法

痛極仍將火慰之

擬吐白梅合咽汁

吐來仰臥却從伊

起則恐因遭努損

雖然希有也須知

七朝豉粥溫溫食

震着牙開事不宜

大小便時須緩緩

無令自起與扶持

高聲叫喚言多後

驚動睛輪見雪飛

如此志心三十日

漸行出入認親知

任心莫憶陰陽事

夫婦分牀百日期

一月不須臨洗面

針痕濕着痛微微

五腥酒麪周年斷

服藥平除病本基

右龍木論金針開內障大法謹按其法初患眼內障之

時其眼不痛不澁不痒頭不旋不痛而翳狀已結成者

宜金針撥去其翳如撥雲見日而光明也今具其畧于

後

開內障圖

圓翳初患時見蠅飛花癸垂蟻薄烟輕霧先患一眼次第

即去翳相輝俱圓翳如油點浮水中陽看則小陰看則大金

藏形睛之深處細看○滑翳翳如水銀珠○澁翳翳如凝脂色○浮翳

方見宜針深探之○橫翳橫如劍脊兩邊薄中央厚宜

翳皆先患一目向後俱損初患之時其眼痛澁頭旋額痛

難有翳伏亦難針探獨便月翳東花翳黑水翳翳微有頭

針輕探之宜○冰翳初患時頭旋額痛者眼臉骨鼻頰骨

目次第相牽俱損翳一半厚  
一半薄宜針先從厚處換之  
○**束花翳**初患時微有頭旋  
痛先患一眼向後俱翳週迴如鋸齒輕也  
○**散翳**翳如酥  
揆去莫留短脚兼于所過之經針灸其膈  
○**驚振**乍白宜  
針揆之  
○**黑水凝翳**初患時頭旋眼澁見花黃黑  
○**驚振**翳頭腦被打築惡血流入眼內至二三年成翳  
翳白色先患之眼不宜針牽揆後患之眼宜針之

雖不痛不痒其翳黃色紅色者不宜針揆翳狀破散者不  
宜針揆中心濃重者不宜針揆之不動者曰死翳忌揆  
獨白翳黃心宜先服藥後針之若無翳者名曰風赤不宜

針

**白翳黃心**翳四邊白中心黃者先服逐翳散次針足經所  
過諸穴後用金針輕換若先患一眼向後俱損

**烏風**不宜針但瞳人小三五五年內結成翳青白色  
○**肝風**無翳眼前多見虛花或白或黑或赤或黃或

見一物二形二眼同患急宜補治切忌房勞  
○**五風變**時頭旋額痛或一目先患或因

嘔吐雙目俱暗瞳子白如霜  
○**綠風**初患時頭旋額

鼻頰骨痛眼內痛澁先患一眼向  
○**黑風**初患時頭旋額

後俱損無翳目見花或紅或黑  
○**青風**初患時微有痛澁頭  
頰骨痛眼內痛澁先患一眼  
○**雷頭風變**初患時頭旋惡心嘔吐先患一  
後俱損無翳  
○**雷頭風變**且次第相牽俱損瞳人或大或  
勞倦加皆重  
小凝脂  
結白

能遠視不能近視 能近視不能遠視

虛歷不能近視

東能遠視不能近視者陽氣有餘陰氣不足也乃血虛氣  
盛血虛氣盛者皆火有餘元氣不足人者元氣穀氣真氣  
之賊也元氣之來也徐而和細也如線邪氣之來也緊而  
強如巨川之水不可遏也

海目能遠視責其有火不能近視責其無水法當補腎

東地芝丸治目不能近視能遠視及大厲風成癩悉皆治

之

生地焙四兩

天門冬去心四兩枳殼兩

甘菊花去皮二兩

右同為細末煉蜜丸如桐子大每服一百丸茶清送下

陽虛不能遠視

温酒亦下食後六味地黄丸亦治此症  
能近視不能遠視者陽氣不足陰氣有餘乃氣虛而血盛也血盛者陰火有餘也氣虛者元氣衰弱也此老人桑榆之象也

海目能近視責其有水不能遠視責其無火法宜補心

東定志九出局治眼不能遠視能近視者

遠志去苗心 人參一兩 白茯苓去皮 菖蒲二兩

右為末煉蜜丸硃砂為衣每服十九加至二十九

雀目日落即不見物

濕痰 無蛤蚧丸治雀目日落不見物

蛤粉研細 黃蠟等分

右溶蠟搜粉為丸如粟大每用猪肝一片二兩許批開裹藥一丸麻線纏入瓮內水一碗煮熟取出乘熱薰目

至温吃肝以愈為度神效

千雀目方

地膚子五錢 決明子一升

右二味為末以米飲汁和丸食後服二十九至二十九日服至瘥止

世治雀目用蒼朮四兩米泔水浸一宿切作片焙乾為末每服三錢猪肝二兩批開糝藥在內用麻線繫定粟米一合水一碗砂鍋內煮熟熏眼候温臨臥服之大效

聖治雀目眼不計時月用蒼朮一兩搗羅為末每服一錢不計候

針灸

心雀目不能夜視 神庭 上星 前頂 百會各出金

愈之立 又法 照海 肝俞

目淚不止

火氣燔  
目淚出

蓋厥則目無所見夫人厥則陽氣并於上陰氣并於下陽并於上則火獨光也陰并於下則足寒足寒則脹也夫一水不勝五火故目皆盲是以氣衝風泣下而不止夫風之中目也陽氣內守於精是火氣燔目故見風則泣下也有以此之夫火疾風生乃能雨此之類也脈解精微論子和凡風衝淚出俗言作冷淚者非也風衝于內火發于外風熱相搏由是淚出內外皆治可愈治外以貝母一枚白膩者加胡椒七粒不犯銅鐵研細臨臥點之治內以當歸飲子服之

當歸

大黃

柴胡

人參

黃芩

甘草

芍藥各一兩

滑石半兩

右切碎每服三錢至五錢水一盞生薑三片同煎七分去渣溫服

肝為淚

全文見五臟

寒濕積滯淚出

肝木寡於畏也

孫英宗朝國婆婆患眼冷淚眼科醫官治二三年不能瘥上召孫孫至曰臣非眼科但有藥耳容進方用石決明一兩赤小豆一兩半半夏五錢生班猫二十一粒炒去頭足木賊五錢為末薑汁丸如桐子大每服二十九薑湯下方造聖旨下眼科詳定眼科醫官奏曰此方於眼科甚不相涉班猫有毒恐傷臟腑不敢用合再取聖旨國婆婆聞之曰眼科醫官不惟不能亦不愿使我治也但合此藥總傷無怨上聞之孫自進藥服經半餘日愈八分二十日全愈時眼科並降兩官孫賞錢三十萬銀海止淚方

蒼朮 米泔浸一兩半 木賊 去節二兩 香附子 炒去毛

右為末煉糊丸如桐子大食後鹽湯下三九

汗多決出者風寒入胃 經云風氣與陽明入胃循脈而上至目內皆則寒中而泣出此中風寒淚出也

河當歸湯治風邪所傷寒中目淚自出肌瘦汗不止

當歸 各三兩 人參 各三兩 官桂 一兩 乾薑 炮

白朮 白茯苓 甘草 川芎

細辛 白芍藥 各半兩 陳皮 一兩

右為末每服二錢水一盞生薑三片棗二枚同煎至八分去查熱服不計時併三服

雜方 本治頭風冷淚麗安常二方

甘菊 決明子 各二錢 白朮 羌活

川芎 細辛 白芷 荆芥穗 各半兩

風沿眼系上膈有積熱自飲食中挾怒氣而成頑痰痞

塞濁氣不降清氣不上升由是火益熾而水益降積而久

也眼沿因膿漬而腫於中生細小虫絲遂年久不愈而多

痒者是用紫金膏以銀釵脚揩去油膩點之試問若果

痒者又當去虫以絕根本蓋紫金膏止是去濕與去風涼

血而已若前所謂飲食挾怒成痰又須更與防風通聖散

去硝黃為細末以酒拌勻晒乾依法服之禁諸厚味及大

料物方盡諸法之要 紫金方未詳即蘭室秘藏眼日門還睛紫金丹是也

防風通聖散 方見

世蘆葇石散治爛風眼以蘆葇石不拘多少先用童便煨

七次次用黃連濃煎汁煨七次次用谷雨前茶清濃煎煨

七次又併三汁餘者一處再煨三次然後安放地上一宿

出火氣細細研入冰片射香點上神妙蘆葇石煨時須用

好紫銷炭極大者鑿一穴以安蘆甘石

用治風沿爛眼二蚕沙用香油浸月餘重綿纏過點之愈  
久愈妙

世紫金膏用水飛過號丹蜜多水少文武火熬以器貯點  
之

保治眼赤瞎以青泥蛆淘淨晒乾末之仰臥合目用藥一  
錢放眼上須臾藥行待少時去藥赤瞎自無

針灸  
東垣目眶赤爛歲久俗呼赤瞎是也常以三稜針刺目外  
以洩濕熱立愈

撮要風弦爛眼 大骨空 在手大指第二節尖 小骨空

在手小指二節尖 灸七壯亦吹火滅

倒睫茶毛

陽虛 眼睫毛倒入眼中央是也

右為細末每服一錢溫湯調下食後日三服

又方

川芎

甘菊

細辛

白朮

白芷 已上各等分

右為末蠟丸如黍米大夜臥服一丸日中一時辰換

丸

本治風盛隔壅鼻塞清涕熱氣攻眼下淚多眵齒間緊急  
作頭痛川芎丸

川芎

柴胡 各一兩

半夏麩

甘草 灸

甘菊

人參

前胡

防風 各半兩

右每服四錢水一盞生薑四片薄荷五葉同煎七分去  
杏溫服

靈 五臟六腑心為之主耳為之聽目為之視肺為之相肝

為之榮脾為之衛腎為之主外故五臟六腑之津液盡上  
滲于目心悲氣并則心系急心系急則肺舉肺舉則液上  
溢夫心系與肺不能常舉乍上乍下故欬而泣出矣  
丹婦人患眼眵不思食四物湯加白朮陳皮黃芩連翹分  
六貼煎食前熱服 又灸合谷

肘治眼淚出不止用黃連濃漬綿乾拭目

山風淚眼九節黃連和槐樹皮灰麤末燉湯澄清頻洗

垣神効明目湯連翹飲子治淚不止 二方並見  
倒捷秦毛

運氣

運氣淚出皆從風熱經曰厥陰司天之政三之氣天政布  
風乃時舉民病泣出是也

針灸

集迎風冷淚眵黑花 大骨空小骨空 如上法灸  
之吹火滅 二  
間 一分沿皮向後  
刺五分灸之 合谷 針灸

風沿爛眼

垣神効明目湯治眼楞緊急致倒睫卷毛損目反上臉赤  
赤爛睛亦疼痛昏暗目則冷淚長流夜則眼眵滿眼

葛根 半錢 甘草根 錢二 防風根 一 蔓荆子 分五

細辛根 分三

又一方加黃芪根 錢一

右艾咀作一服水一盞八分煎至一盞去查稍熱臨臥

服効

防風飲子治倒睫拳毛

黃連 炒 甘草 炙 人參 各一錢 葛根

防風 各五分 歸身 半錢 細辛葉 蔓荆子 各三分

右剉如麻苳大都作一服水二大盞煎至一盞去查溫  
服食後避風寒濕熱處眠之

神効黃芪湯治渾身麻木不仁及兩目緊急縮小羞明畏



日或隱澁難開或視物無力睛痛昏花手不得近或目少  
睛光或目中熱如火服五六次神效

黃芪兩二

人參去蘆  
兩二

甘草灸一  
兩

蔓荆子劉二  
錢

白芍藥兩二

陳皮去白  
兩半

右吹咀每服四五錢水一盞八分煎至一盞去渣臨臥

稍熱服如小便淋澁加澤瀉五分如有大熱證加黃柏

三錢酒浸四次炒如麻木不仁雖有熱不用黃柏再加

黃芪一兩如眼縮小去芍藥忌酒醋濕麪大料物蔥韭

蒜及淡滲生冷硬物如麻木重甚者加芍藥一兩木通

一兩

撥雲湯戊申六月徐總官患眼疾於上眼皮下出黑白翳

二箇隱澁難開兩目緊急而無疼痛兩手寸脈細緊按之

洪大無力知足太陽膀胱為命門相火煎激逆行作寒水

翳及寒膜遮睛與下項一服神効外證呵欠善悲健忘噁

噴時自淚下面赤而白能食不大便小便數而欠氣上而

喘

黃芪分七

細辛葉分五

柴胡分七

生薑

荆芥錢一

防風錢一

羌活錢一

藁本錢一

甘草稍一  
錢

升麻錢一

葛根分五

川芎分五

知母錢一

黃柏半一  
錢

歸身錢一

右剉如麻荳大作一服水二大盞煎至一盞稍熱服

連翹飲子治目中溜火惡日與火隱澁小角偏緊久視昏

花迎風有淚

蔓荆子

甘草

連翹各三  
分

柴胡分二

酒黃芩分五

生地分三

防風分五

人參分三

黃芪分五

紅葵花分三

升麻錢一

歸身分二

羌活分五

右咬咀每服五錢水二盞煎至一盞去查稍熟食後服  
前一方治倒睫拳毛後三方治眼楞緊急縮小眼楞緊  
縮小者倒睫拳毛之漸也故以其方附於後蓋陽虛則  
眼楞緊急陰虛則瞳子散大故東垣治眼楞緊急用參  
芪補氣為君佐以辛味疎散之而忌芍藥五味子之類  
酸收是也治瞳子散大用地黃補血為君佐以酸味收  
斂之而忌茺蔚子青箱子之類是也

治倒睫眼方以無名異末摻捲在帛中作撚子點着至藥  
末處吹殺以烟薰之自起

**本治倒睫爛弦**

蠶沙一兩

虢丹五錢

右二味慢火熬成膏入輕粉五分熬黑色逐時湯泡洗

**瑞青黛散治眼倒睫極効**

蝟刺

東棘針

白芷

青黛

右各等分為細末左眼倒睫口噙水左鼻內搗之右眼  
倒睫右鼻內搗之

**山眼毛倒睫摘去拳毛用虱子血點入眼內數次即愈**

**垣眼生倒睫拳毛由目緊急皮縮之致也蓋內伏熱攻陰  
氣外行當去其內熱并火邪使眼皮緩則眼毛立出翳膜  
亦退用手法攀出內臉向外刺以三稜針針出熱血以左  
瓜甲迎住針縫立愈**

努肉攀睛

**羅還睛散治眼翳膜昏澁淚出瘀血努肉攀睛**

川芎

草龍膽

草決明

石決明

荆芥

枳實

野菊花

野麻子

熟

白茯苓去 甘草炙 木賊 白蒺藜

川椒炒去 仙靈脾 茵陳已上各

右為細末每服二錢食後茶清調下一日三服忌雜魚肉及熱麪蕎麥等物一方有楮實子無仙靈脾茵陳枳殼三味

圖治卒患赤目努肉生肉痛者取好梨一箇搗絞汁黃連三枚碎之以綿裹漬冷色變仰臥注目中

外主目翳及努肉用磁石最白者納一黍米於翳上及努肉上即冷淚出綿拭之令惡汁盡其疾日減翳自消薄便瘥磁石須真白者方効

干治目中生息肉翳滿目閉瞳子及生珠管方

貝齒七枚燒為末 真珠等分

右為細末如粉以注翳肉上不過五度即瘥

針灸 集努肉攀睛 睛明 風池 太陽出血 期門

雜方

飛絲塵垢入目

世治飛絲入目者用頭垢點入眼中即出神効○飛絲入

眼用柘樹漿點了綿裹筋頭蘸水於眼上繳拭涎毒○治

飛絲入目以火麻子一合杵碎并花水一碗浸攪却將舌

浸水中涎沫自出神効一方用茄子葉碎杵如麻子法尤妙

丹飛絲落眼眼腫如眯痛澁不開鼻流清涕用京墨濃磨

以新筆塗入目中閉目少時以手張開其絲自成一塊看

在眼白上却用綿輕輕惹下則愈如未盡再塗此方累効

○治眯目鹽與豉置水中浸之視水其查立出孫真人方

干治稍麥芒入眼取蟬螬以新布覆目上待蟬螬從布上

摩之其芒出着布上

山物落眼中用新筆蘸繳出○又方濃研好墨點眼立出

視岐亂見

精不相  
比則視  
岐

靈帝曰余嘗上清冷之臺中皆而顧匍匐而前則惑余私  
異之竊內怪之獨瞑獨視安心定氣而不解獨搏獨眩被  
髮長跪俛而視之後久之不已也卒然自上何氣使然岐  
伯曰五臟六腑之精氣皆注於目而為之精精之窠為眼  
骨之精為瞳子筋之精為黑眼血之精為絡其窠氣之精  
為白眼肌肉之精為約束裹擷筋骨血氣之精而與脈并  
為系上屬於腦後出於項中故邪中於項因逢其身之虛  
其入深則隨眼系以入於腦入於腦則腦轉腦轉則目系  
急目系急則目眩以轉矣邪中其精其精所止不相比也  
則精散精散則視岐故見兩物大惑  
荀牧仲頃年嘗謂予曰有人視一物為兩醫作肝氣盛  
故見一為二服瀉肝藥皆不驗此何疾也戶曰孫真人曰

靈樞有云目之系上屬於腦後出於項中云云則視岐故  
見兩物也令服驅風入腦藥得愈

神勞則  
精氣亂  
視岐

靈目者五臟六腑之精也榮衛冤冤之所常營也神氣之  
所生也故神勞則冤冤散志意亂是故瞳子黑眼法於陰  
白眼赤脈法於陽也故陰陽合轉而睛明也目者心之使  
也心者神之舍也故神精亂而不轉卒然見非常處精神  
冤冤散不相得故曰惑也帝曰余疑其然余每之東苑未  
曾不惑去之則復余唯獨為東苑勞神乎何其異也岐伯  
曰不然也心有所喜神有所惡卒然相感則精氣亂視誤  
故惑神移乃復是故間者為迷甚者為惑大惑  
素夫精明者所以視萬物別白黑審長短以長為短以白  
為黑如是則精衰矣

右目亂見治法東垣益氣聰明之類是也

目閉不開

足太陽之筋為目上綱足陽明之筋為目下綱熱則筋縱

目不開全文見筋胸條

睛目者目睛斜倒不正小兒謂之通睛

針灸

甲睛目者水瀉主之

集直視者視物而目睛不轉動者是也若目睛動者非直

視也傷寒直視者邪氣壅盛冒其正氣使神氣不慧臟腑

之氣不上榮於目則目為之直視傷寒至於直視為邪氣

已極證候已逆多難治經曰衄家不可發汗發汗則額上

陷脈緊急直視不能眴不能眠以肝受血而能視亡血家

肝氣已虛目氣已弱又發汗亡陽則陰陽俱虛所致也此

雖錯逆其未甚也逮狂言反目直視又為腎絕直視搖頭

又為心絕皆臟腑氣脫絕也直視讖語喘滿者死下利者

亦死又劇者發狂則不識人循衣摸床傷而不安微喘直

視脈弦瀼者死皆邪氣盛而正氣脫也

少陽終者其百節縱目羸絕系全文見診生死條目系絕故目不動而直視于注云

羸謂直視如驚貌○羸音瓊

目上視

瞳子高者太陽不足戴眼者太陽已絕全文見診生死戴眼者目直視不能

轉動也

太陽之脈其終也戴眼反折瘳癎

針灸目上視見中風上

醫學綱目卷三

三九

